

BOSNA I HERCEGOVINA

Konkurencijsko vijeće



БОСНА И ХЕРЦЕГОВИНА

Конкyрeнцiјcи cавјeт

Z A K L J U Ć A K

o odbacivanju Prijave koncentracije privrednog subjekta Schiebra Beteiligungsverwaltungs GmbH, Beč, Republika Austrija

**Sarajevo
juli 2011. godine**



Broj: 03-26-1-04-20-II/11
Sarajevo, 06.07.2011. godine

Na osnovu člana 25. stav (1) tačka e), člana 42. stav (2), u vezi s čl. 12., 14. i 16. Zakona o konkurenciji («Službeni glasnik BiH», br. 48/05, 76/07 i 80/09), a rješavajući po Prijavi koncentracije privrednog subjekta Schiebra Beteiligungsverwaltungs GmbH, Schonbrunner Strasse 289, 1120 Beč, Republika Austrija, zaprimljenoj dana 14.02.2011. godine pod brojem: 03-26-1-04-II/11, Konkurencijsko vijeće, na 16. (šesnaestoj) sjednici održanoj dana 06.07.2011. godine, je donijelo

Z A K L J U Č A K

1. Odbacuje se Prijava koncentracije privrednog subjekta Schiebra Beteiligungsverwaltungs GmbH, Schonbrunner Strasse 289, 1120 Beč, Republika Austrija radi nepostojanja obaveze prijave koncentracije, u smislu člana 14. stav (1) Zakona o konkurenciji.
2. Ovaj Zaključak bit će objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine.

O b r a z l o ž e n j e

Konkurencijsko vijeće je zaprimilo, dana 14.02.2011. godine, Prijavu koncentracije (u daljem tekstu: Prijava), podnesenu putem advokata Marjane Kulenović, Vase Pelagića 48, 78000 Banja Luka (na osnovu punomoći izdane dana 28.01.2011. godine), po kojoj privredni subjekt Schiebra Beteiligungsverwaltungs GmbH, Schonbrunner Strasse 289, 1120 Beč, Republika Austrija (u daljem tekstu: Podnosilac prijave ili Schiebra) namjerava steći kontrolu nad privrednim subjektom Bramac Dachsysteme International GmbH, Bramacstrase 9, 3380 Pochlarn, Republika Austrija (u daljem tekstu: BDI) i privrednim subjektom Bramac Dachsysteme Holding GmbH, Bramacstrase 9, 3380 Pochlarn, Republika Austrija (u daljem tekstu: BDH), preuzimanjem preostalih 50,0% vlasničkih udjela od privrednog subjekta Wienerberger AG, Wienerberg City, Wienerbergstrase 11, Beč, Republika Austrija (u daljem tekstu: Wienerberger).

Konkurencijsko vijeće je utvrdilo da Prijava nije kompletna i uredna u smislu člana 30. stav (1) Zakona o konkurenciji (u daljem tekstu: Zakon) i čl. 9. i 11. Odluke o načinu podnošenja prijave i kriterija za ocjenu koncentracija privrednih subjekta («Službeni glasnik BiH», broj 34/10) te je zatražilo dopunu iste, dana 23.02.2011. godine aktom broj: 03-26-1-04-1-II/11 i dana 03.03.2011. godine aktom broj: 03-26-1-04-2-II/11.

Podnosilac prijave je zatražio, dana 09.03.2011. godine podneskom broj: 03-26-1-04-3-II/11, produženje roka za dopunu Prijave, nakon čega je Konkurencijsko vijeće dana 09.03.2011. godine aktom broj: 03-26-1-04-4-II/11 odobrilo produženje roka za kompletiranje iste. Podnosilac Prijave je istu djelimično dopunio dana 18.03.2011. godine podneskom broj: 03-26-1-04-5-II/11, te je Konkurencijsko vijeće ponovno zatražilo dopunu Prijave dana 22.03.2011. godine aktom broj: 03-26-1-04-6-II/1, dana 20.04.2011. godine aktom broj: 03-26-1-04-10-II/11 i dana 13.06.2011. godine aktom broj: 03-26-1-04-16-II/11.

Podnosilac prijave je istu dopunio podnescima dana 01.04.2011. godine broj: 03-26-1-04-7-II/11, dana 18.04.2011. godine broj: 03-26-1-04-8-II/11, dana 22.04.2011. godine broj: 03-26-1-04-9-II/11, dana 04.05.2011. godine broj: 03-26-1-04-11-II/11, dana 05.05.2011. godine broj: 03-26-1-04-12-II/11, dana 18.05.2011. godine broj: 03-26-1-04-13-II/11, dana 31.05.2011. godine broj: 03-26-1-04-14-II/11, dana 01.06.2011. godine broj: 03-26-1-04-15-II/11 i dana 17.06.2011. godine broj: 03-26-1-04-17-II/11.

Konkurencijsko vijeće, nakon kompletiranja Prijave, je izdalo Podnosiocu prijave Potvrdu o prijemu uredne i kompletne Prijave, u smislu člana 30. stav (3) Zakona, dana 30.06.2011. godine pod brojem: 03-26-1-04-18-II/11.

Podnosilac prijave je naveo, u smislu člana 30. stav (2) Zakona, da je predmetna koncentracija odobrena od strane ovlaštenih tijela za ocjenu koncentracija Republike Austrije, Republike Češke i Republike Makedonije.

Konkurencijsko vijeće nakon analize podataka u postupku ocjene koncentracije je utvrdilo slijedeće činjenice:

Prijava koncentracije je podnesena u propisanom roku, u smislu člana 16. stav (1) Zakona.

1. Učesnici predmetne koncentracije

Učesnici predmetne koncentracije su privredni subjekt Schiebra Beteiligungsverwaltungs GmbH, Schonbrunner Strasse 289, 1120 Beč, Republika Austrija, i privredni subjekti Bramac Dachsysteme International GmbH, Bramacstrase 9, 3380 Pochlarn, Republika Austrija i Bramac Dachsysteme Holding GmbH, Bramacstrase 9, 3380 Pochlarn, Republika Austrija.

1.1. Privredni subjekt Schiebra Beteiligungsverwaltungs GmbH

Privredni subjekt Schiebra Beteiligungsverwaltungs GmbH, Schonbrunner Strasse 289, 1120 Beč, Republika Austrija, je registrovan na Trgovinskom sudu u Beču pod brojem: FN 291730s dana 11.04.2007. godine.

Vlasnici privrednog subjekta Schiebra su privredni subjekt LR Austria Holding GmbH, Schonbrunner Strasse 289, 1120 Beč, Republika Austrija sa 96,1196% vlasničkih udjela i privredni subjekt Monier Roofing GmbH, Frankfurter Landstrasse 2-4, 61440 Oberursel, SR Njemačka sa 3,8804%.

Privredni subjekt Schiebra je registrovan isključivo radi posjedovanja udjela/dionica u drugim privrednim subjektima.

Privredni subjekt LR Austria Holding GmbH i privredni subjekt Monier Roofing GmbH (do dana 18.05.2010. godine je poslovao pod nazivom Financiere Daunou 9 S.a.r.l) su u 100,0% vlasništvu privrednog subjekta Monier Group S.a.r.l., Rue Guillaume Kroll 5, L-1882 Luksemburg (u daljem tekstu: Monier Group), koji je upisan u Registar trgovine i preduzeća Luxemburga dana 10.11.2006. godine (R.C.S. Luksemburg B0122155), s upisanim kapitalom 14.473.142,00 KM (EUR 7.400.000,00).

Pretežne registrovane djelatnosti privrednog subjekta Monier Group su proizvodnja i prodaja građevinskih materijala za kose i druge krovove, krovne pločice, dimnjake, sisteme ventilacije, izolacija, solarno-termalne i fotovoltazne sisteme i kamina.

Privredni subjekt Monier Group poslovne aktivnosti obavlja direktno ili indirektno preko distributera u 42 zemlje svijeta.

1.1.1. Povezana društva privrednog subjekta Schiebra u Bosni i Hercegovini

Privredni subjekt Schiedel Sistemi Dimnjaka d.o.o., Bosanski put 215, 71380 Ilijaš (u daljem tekstu: Schiedel ili SSD), registrovan na Općinskom sudu u Sarajevu pod matičnim brojem: 1-16811, je prisutan na tržištu Bosne i Hercegovine putem povezanog, s 100,0% vlasničkih udjela privrednog subjekta Schiedel AG, Schonbrunnstrasse 289, Beč 1120, Republika Austrija, a koji je u većinskom vlasništvu privrednog subjekta Schiebra.

Pretežne registrovane djelatnosti privrednog subjekta Schiedel/SSD su proizvodnja keramičkih proizvoda, proizvoda za građevinarstvo od pečene gline kao i proizvoda od betona i gipsa.

1.2. Privredni subjekt Bramac Dachsysteme International GmbH i privredni subjekt Bramac Dachsysteme Holding GmbH

Privredni subjekt Bramac Dachsysteme International GmbH, Bramacstrase 9, 3380 Pochlarn, Republika Austrija, je registrovan na Pokrajinskom sudu Sent Pelten pod brojem: FN 90799d dana 25.04.1966. godine.

Privredni subjekt Bramac Dachsysteme Holding GmbH, Bramacstrase 9, 3380 Pochlarn, Republika Austrija, je registrovan na Pokrajinskom sudu Sent Pelten pod brojem: FN 303204p dana 12.12.2007. godine.

Privredni subjekt Monier Group i privredni subjekt Wienerberger imaju pod zajedničkom kontrolom, odnosno po 50,0% vlasničkih udjela u privrednom subjektu BDI i privredni subjekt BDH (ili Bramac Group), i to privredni subjekt Monier Group putem povezanog privrednog subjekta Schiebra i privrednog subjekta LR Austria Holding GmbH, a privredni subjekt Wienerberger putem privrednog subjekta Wienerberger Gamma Asset Management GmbH, Wienerberg City, Wienerbergstrase 11, 1120 Beč, Republika Austrija.

Također, privredni subjekt Monier Group i privredni subjekt Wienerberger imaju po 25,0% vlasničkih udjela u privrednom subjektu Tondach Gleinstatten AG, Gleinstatten, Republika Austrija (u daljem tekstu: Tondach Gleinstatten), dok 50,0% vlasničkih udjela ima grupa fizičkih lica.

Privredni subjekt Tondach Gleinstatten u Bosni i Hercegovini ima 80,0% vlasničkih udjela u privrednom subjektu Tondach Bosna i Hercegovina d.o.o., Dženetića Čikma 1, 71000 Sarajevo (u daljem tekstu: Tondach BH).

Pretežne registrovane djelatnosti privrednog subjekta Tondach BH su proizvodnja i prodaja crijepova, opreme i komponenti za krovove (građevinski materijali za kose i druge krovove).

Bramac Group preko privrednog subjekta BDI posluje uglavnom na tržištu Republike Austrije, dok preko privrednog subjekta BDH u zemljama Centralne i Istočne Europe.

Pretežnu registrovanu djelatnost Bramac Group čini prodaja betonskih krovnih pločica, instalacija (80,0% prodaje), komponenti krovnih sistema i solarnih termičkih sistema (20,0% ukupne prodaje).

1.2.1. Povezana društva Bramac Group u Bosni i Hercegovini

Privredni subjekt Bramac Krovni Sistemi d.o.o., Skenderija 5/III, 71000 Sarajevo (u daljem tekstu: Bramac ili BKS) je registrovan na Općinskom sudu u Sarajevu pod matičnim brojem: 1-21974, sa 100,0% vlasničkih udjela privrednog subjekta BDH.

Pretežne registrovane djelatnosti privrednog subjekta Bramac /BKS su proizvodnja i prodaja građevinskih materijala za kose i druge krovove.

2. Pravni okvir ocjene predmetne koncentracije

Konkurencijsko vijeće u postupku ocjene predmetne koncentracije primijenilo je odredbe Zakona, Odluke o utvrđivanju relevantnog tržišta («Službeni glasnik BiH», broj 18/06 i 34/10), te Odluke o načinu podnošenja prijave i kriterijima za ocjenu koncentracija privrednih subjekta.

Konkurencijsko vijeće, u skladu sa članom 43. stav (7) Zakona, pri izračunu ukupnih godišnjih prihoda učesnika koncentracije je koristilo kriterije i standarde Obavijesti Evropske komisije o izračunu ukupnog prihoda u skladu sa Uredbom Vijeća (EEZ) broj: 4064/89 o kontroli koncentracije privrednih subjekta.

3. Pravni osnov koncentracije

Okvirnim sporazumom zaključenim dana 31.01 2011. godine između privrednog subjekta Monier Group i privrednog subjekta Wienerberger, privredni subjekt Monier Group, preko svog povezanog privrednog subjekta Schiebra, namjerava steći (preuzeti) preostalih (...) ¹% vlasničkih udjela u Bramac Group, odnosno u privrednom subjektu BDI i privrednom subjektu BDH, od privrednog subjekta Wienerberger te preuzeti samostalnu ((..)*%) kontrolu nad tim privrednim subjektima.

Također, ovim Okvirnim sporazumom privredni subjekt Monier Group namjerava ustupiti svoj vlasnički udjel od (...) *% u privrednom subjektu Wibra privrednom subjektu Wienerberger, koji već posjeduje (...) *% vlasničkih udjela u tom privrednom subjektu.

Podnosilac prijave ističe da se Prijava odnosi isključivo na sticanje samostalne kontrole privrednog subjekta Monier Group nad privrednim subjektom BDI i privrednim subjektom BDH.

4. Relevantno tržište

Relevantno tržište, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda (usluga) koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište proizvoda obuhvata sve proizvode i/ili usluge koje potrošači smatraju međusobno zamjenjivim s obzirom na njihove bitne karakteristike, kvalitet, namjenu, cijenu ili način upotrebe.

¹ Podaci predstavljaju poslovnu tajnu

Prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cijelu ili dio teritorije Bosne i Hercegovine, na kojoj su tržišni konkurenti aktivni u prodaji i/ili kupovini relevantnog proizvoda pod jednakim ili dovoljno ujednačenim uslovima koje to tržište bitno razlikuje od uslova tržišne konkurencije na susjednim geografskim tržištima.

Na osnovu navedenoga uzimajući u obzir i pretežnu registrovanu djelatnost povezanih društava u Bosni i Hercegovini, odnosno privrednog subjekta BKS, Konkurencijsko vijeće je utvrdilo da je relevantno tržište proizvoda /usluga predmetne koncentracije tržište prodaje krovnih materijala za kose krovove.

Relevantnim tržištem u geografskom smislu smatra se tržište Bosne i Hercegovine s obzirom da privredni subjekt BKS vrši prodaju krovnih materijala za kose krovove na cijeloj teritoriji Bosne i Hercegovine.

Slijedom navedenog, relevantno tržište predmetne koncentracije je tržište prodaje krovnih materijala za kose krovove u Bosni i Hercegovini.

4.1. Analiza relevantnog tržišta

Analiza tržišnih udjela učesnika koncentracije i povezanih društava, kao i konkurenata na relevantnom tržištu prodaje krovnih materijala za kose krovove u Bosni i Hercegovini, na dan 31.12.2010. godine:

Tabela 1.

R.b.	Naziv privrednog subjekta	Udio(%)
1.	Tondach BH, Sarajevo	(30-40)*
2.	BKS, Sarajevo	(10-20)*
3.	Nexe, Sarajevo	(10-20)*
4.	Linometal	(0-10)*
5.	Alternativa, Sarajevo	(0-10)*
6.	Ostali	(10-20)*
	UKUPNO	100,0

Izvor: podaci iz Prijave

Također, Konkurencijsko vijeće analizom vlasničkih udjela (na osnovu utvrđivanja postotka običnih dionica u odnosu na ukupan broj dionica) učesnika koncentracije u zajedničkom ulaganju u privredni subjekt Tondach BH (zajednički vlasnički udio je oko 40,0%), preko privrednog subjekta Tondach Gleinstatten je utvrdilo da učesnici koncentracije proporcionalno navedenom ostvaruju tržišni udio od (10-20)*% na relevantnom tržištu prodaje krovnih materijala za kose krovove u Bosni i Hercegovini.

Na osnovu navedenih podataka (za privredni subjekt BKS i privredni subjekt Tondach BH) utvrđeno je da će učesnici koncentracije nakon provedene koncentracije imati tržišni udio od (25-35)*% na relevantnom tržištu prodaje krovnih materijala za kose krovove u Bosni i Hercegovini.

5. Obaveza prijave koncentracije

Obaveza prijave koncentracije privrednih subjekta, u smislu člana 14. stav (1) tačke a) i b) Zakona, postoji ako ukupni godišnji prihodi učesnika koncentracije ostvareni prodajom roba i/ili usluga na svjetskom nivou iznose 100.000.000,00 KM, po završnom računu u godini koja je prethodila predmetnoj koncentraciji, i da ukupan prihod svakog od najmanje dva privredna subjekta učesnika koncentracije ostvarena prodajom roba i/ili usluga na tržištu Bosne i

Hercegovine iznosi najmanje 8.000.000,00 KM, ili ako je zajednički tržišni udio učesnika koncentracije na relevantnom tržištu veći od 40,0%.

Ukupni godišnji prihodi privrednih subjekta učesnika koncentracije (i njihovih povezanih privrednih subjekta), na dan 31.12.2010. godine:

Tabela 2.

	Monier Group		Bramac Group -BDI i BDH		BKS	SSD
	u hilj. EUR	u hilj. KM	EUR	KM	KM	KM
Svijet	(..)*	(..)*	(..)*	(..)*	(..)*	(..)*
BiH	(..)*	(..)*	(..)*	(..)*	(..)*	(..)*

Izvor: podaci iz Prijave

Konkurencijsko vijeće analizom podataka (istom metodom kao kod utvrđivanja tržišnog udjela) učesnika koncentracije u zajedničkom ulaganju u privredni subjekt Tondach BH, preko privrednog subjekta Tondach Gleinstatten, je utvrdilo da su učesnici koncentracije indirektno ostvarili godišnji prihod u 2010. godini u Bosni i Hercegovini oko (..)*KM.

Godišnji prihod učesnika koncentracije predstavlja ukupan prihod (bez poreza na dodatu vrijednost i drugih poreza koji se direktno odnose na učesnike koncentracije na tržištu Bosne i Hercegovine), u smislu člana 8. tačka h) Odluke o načinu podnošenja prijave i kriterija za ocjenu koncentracija privrednih subjekta.

Na osnovu navedenih podataka, učesnici predmetne koncentracije ne ispunjavaju uslove utvrđene članom 14. stav (1) tačka b) Zakona jer ukupan prihod svakog od najmanje dva privredna subjekta učesnika koncentracije ostvaren prodajom roba i/ili usluga na tržištu Bosne i Hercegovine iznosi manje od 8.000.000,00 KM (Tabela 2.) i zajednički tržišni udio učesnika koncentracije na relevantnom tržištu nije veći od 40,0%, budući da povezani privredni subjekti učesnika koncentracije imaju ukupan tržišni udio na relevantnom tržištu materijala za kose krovove (25-35)*% te nisu obavezni podnijeti Prijavu.

6. Administrativna taksa

Podnosilac prijave na ovaj Zaključak, u skladu sa članom 2. tarifni broj 108. tačka c) Odluke o administrativnim taksama u vezi s procesnim radnjama pred Konkurencijskim vijećem («Službeni glasnik BiH», br. 30/06 i 18/11) je dužan platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

7. Pouka o pravnom lijeku

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

Predsjednik

dr. Stjepo Pranjić